

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республикаса канму эмбур муниципальной юкөнъяслөн асэмбурё вуджөданног йылысь» Коми Республикаса Оланпаслөн 5 статьяё вежсьёмъяс пыртём йылысь

Примитёма Коми Республикаса
Каналан Сөветөн

2024 вося косму тöлысь 24 лунö

1 статья. Пыртны «Коми Республикаса канму эмбур муниципальной юкөнъяслөн асэмбурё вуджөданног йылысь» Коми Республикаса Оланпаслөн 5 статьяё (Коми Республикаса канму власьт органъяслөн индöд-тшöктöмъяс, 2006, 7 №, 4507 ст.; 2007, 3 №, 4740 ст.; 6 №, 4852 ст.; 11 №, 5151 ст.; 2008, 2 №, 18 ст.; 2013, 37 №, 689 ст.; 2020, 10 №, 147 ст.; 2022, 9 №, 122 ст.; 2023, 7 №, 122 ст.) татшöм вежсьёмъяс:

1) 1¹ юкöнын «эмбурён веськöдлан органö» кывъяс вежны «Коми Республикаса канму эмбурён веськöдлан органö» кывъясөн;

2) 4 юкöнса нельöд абзацö «тайö статьяса 3 юкöнын индöм документъяс» кывъяс бöрын содтыны « да лыддьöгъяс (водзö – канму эмбур вуджöдöм йылысь документъяс)» кывъяс;

3) 5 да 6 юкөнъяс гижны тадзи:

«5. Коми Республикаса канму эмбурён веськöдлан орган канму эмбур вуджöдöм йылысь документъяс воан лунсянь комын лун чöжөн прöверитö найöс тайö Оланпаслөн корöмъяслы лöсялöм вылö.

6. Сэк, кор канму эмбур вуджöдöм йылысь документъясыс оз лöсявны тайö Оланпаслөн корöмъяслы, Коми Республикаса канму эмбурён веськöдлан орган дасьтö канму эмбур вуджöдöм йылысь документъяссö видлалöмын öткажитöм йылысь уведомление да бергöдö найöс шыöдчысьлы налөн воан лунсянь комын лунся кадколастö татшöм бергöдöмсö подулалöмөн. Öткажитан подувъясөн лоöны канму эмбур вуджöдöм йылысь сетöм документъяслөн тэчас да формаяс дорö корöмъяс серти торкалöмъяс.»;

4) содтыны татшöм сюрöса 6¹ юкөн:

«61. Коми Республикаса канму эмбурён веськöдлан орган канму эмбур вуджöдöм йылысь документъяс воан лунсянь öкмысдас лун чöжөн дасьтö Коми Республикаса канму асэмбурё пырысь эмбур муниципальной юкөнлөн асэмбурё вуджöдöм йылысь помшуöм бала да индöм кадколастö либö мöдöдö сийöс Коми Республикаса Веськöдлан котырö Коми Республикаса Веськöдлан котырлөн Уджаланартөн урчитöм пöрадокын видлалöм вылö, либö тайö статьяса 7 юкөнлөн мöд абзацын индöм случайын примитö лöсялана помшуöм.».

2 статья. Тайö Оланпасыс вынсялö сійöс официальнöя йöзöдан лунсянъ.

Коми Республикаса Юралысь

В.В. Уйба

Сыктывкар

2024 вося ода-кора тöлысь 2 лун

20-РЗ №